



Omerolel a Kekerei el Honu


Written by Lee Noto
Illustrations by Lori Phillips
Translated by Janet E. Ruluked
Reviewed by P. Kempis Mad & Masaharu Tmodrang



Ng dimlak Isal mlo meketeket e a Kekerei el Honu a tilobed er a lukel er a chelechol el mo omuchel er a beches el klengar er ngii. Ng mle betok a kirel el mo medengei el kirel a klengar er a beluu me a daob. Ng mla me se el taem el kirel el siekii a roel el Imuut el mo er a daob. Ng mle orakiruu me ng mle bsechel.




A Kekerei el Honu a kmal mle semeriar e ng di ng telkib el medakt er a lorrenge er a delal me a demal el chadcheduch el kirel a omerael el lemuut el mo er a daob. "Ke oltirakl er a dichel a buil, ng dilung a delal. Ke melechesiu a a chibekbad el chelechol er a cheroel a ochim," ng dilung a demal. "Se el kmal klou a ultutelel, e ke orrenge a bungel a chedesaoch," te dilung el terung.




A Kekerei el Honu a ta el sils el lorael el meleliuekl el omelekl a tekoi el delal me a demal a dilu er ngii.

“Ke oltirakl er a dichel a buil, e melechesiu a ochim er a chibekbad el chelechol er a cheroel a ochim, e orrengea a bungel a chedesaoch.” A Kekerei el Honu a millemolem el ulemelekl aika el tekoi.




A Kekerei el Honu a kmal mle mechesang el omdasu aika el tekoi, e a lokisii a medal e ng di kea lesa a delal, demal, e ngedecha tia el lengar er ngii.




"Chedil, Chedam, kom ngar er ker? Ng diak lsebechek el mesekemiu."
E ng di dimlak a onger er ngii.

"Ak mo osiik er tir," ng millekoi. A Kekerei el Honu a lomes e ng milkelkang
me a omerael el lmuut el mo er a doab a mochu er ngii.




Ng ngar er ker a bo lomuchel er ngii el osk er a delal me a demal? Ng
ulsiik er tir er a kemikr er a lius, bita er a meklou el bad, me a delul a
mekekere el kerrekar, e ng di dimlak el betik er tir. Ng kmal mla mo
mesaul a mera el mla mo medakt.



"A omko me ng diak betik er tir, e ak mo mekerang?" ng ulemdasu.


Ng dimlak a chimo el uel el lesang. A Kekerei el Honu a mocha Imangel.



“Ng ngera me kelmangel e uel?” ng millekoi a bekerkard el chemang.
“Ke mla mecheuid?” Chochoi, ng millekoi a Kekerei el Honu e mla mo
kirek el lmuut mo er a daob el obengkel a delak me a demak, e ng di
diak kbetik er tir.” “Ka msall, ng dilu a bekerkard el chemang “ng
oingerang a mle uriul el mesterir?”


“Ng dirk tutau e a delak me a demak a uluchais a chisel a klengar er a
daob,” ng millekoi a Kekerei el Honu. Chelecha e ng mocha milkolk a
diak kisterir er a ngii di el ker.

“Bom ungil el omdasu e molasem el melebedebek,” ng millekoi a
bekerkard el chemang.




A Kekerei el Honu a kmal mlo meringel el omdasu e millasem el melebedebek el kmo ng mo mekerang.

“Ng kirek el omdid er a dichel a buil, e melechesiu a chibekbad el chelechol er a cheroel a ochik, e orrenges a bungel a doab.”




A Kekerei el Honu a ulerrenge e ulemes e milekokil el merael. Ng milsa a melidich el llomes el ngar er a eanged el mei.

“Se locha a buil.” ng ulemdasu. “Ng kirek el merael el mo kmeed.”



A Kekerei el Honu a mlo melchesuar a chibekbak er a cheroel a ochil.

"Tia a locha ngii el chelechol," ng ulemdasu. "Ak locha kmedang."



Ng rirenges a merrumk el ua ngerel a derumk.

"Tia a locha bungel a doab," ng millekoi. "Ak locha mera el kmedang."



A delal me a demal a Kekerei el Honu a mla er a tkul a daob e mengiil er ngii.

“Ng kekedel el kimongiil er kau e Kekerei el Honu. “Ke ririid?”



"Chochoi," ng millekoi a Kekerei el Honu. "Ak lilatk aike el rokui el tekoi el mdilu er ngak..."

"Ke oltiraki er a dichel a buil, e mo melchesiu a chibekbad el chelechol er a cheroel a ochik, e orrenges a bungel a daob."

"Sei a ngilikak el me er kemiu. Chelechang, e ak kltmokl el lmuut el mo er a doab. Dorael!"



Pacific Resources for Education and Learning

